

UNIVERZITET U TUZLI

Upravni odbor

Broj: 04-2730-1-3/22-1

Tuzla, 30.05.2022.godine

30-05-2022

10 34 13981/20

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
VLADA
putem Ministarstva obrazovanja i nauke**

PREDMET: Prethodna saglasnost na prijedlog Odluke, traži se

Poštovani,

U prilogu akta dostavljamo Vam prijedlog Odluke o iznosu participacije i školarine u troškovima svih tri ciklusa studija na fakultetima/Akademiji Univerziteta u Tuzli počev od akademske 2022/23. godine.

Molimo Vas da date prethodnu saglasnost na prijedlog ove Odluke u smislu člana 51. tačka p) Zakona o visokom obrazovanju – Prečišćeni tekst („Službene novine Tuzlanskog kantona“, broj: 21/21).

Prilog:

Prijedlog Odluke Upravnog odbora Univerziteta

broj: 04-2730-1-3/22 od 27.05.2022. godine

**PREDSJEDNIK
UPRAVNOG ODBORA**



Semir Ahmetbegović
Dr. sci. Semir Ahmetbegović, vanr. prof.

UNIVERZITET U TUZLI
Upravni odbor
Broj: 04-2730-1-3/22
Tuzla, 27.05.2022.godine

Na osnovu člana 51. tačka p) Zakona o visokom obrazovanju, prečišćeni tekst («Službene novine Tuzlanskog kantona», broj: 21/21) i člana 50. stav (1) tačka q) Statuta Univerziteta u Tuzli, te Odluke Vlade Tuzlanskog kantona broj: 02/1-05-12345-1/19 od 18.06.2019. godine, **Upravni odbor Univerziteta u Tuzli na sjednici održanoj 27.05.2022. godine, utvrdio je prijedlog**

ODLUKE

o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Studenti državljani Bosne i Hercegovine

Član 1.

Redovan student prvog i integriranog prvog i drugog ciklusa studija, koji se finansira iz Budžeta TK i koji nema status zaposlenog lica, od akademske 2022/23. godine plaća participaciju u troškovima studija u visini od 100,00 KM po semestru.

Izuzetno od odredbe člana 1. stav (1) ove Odluke, redovni student prvog i integriranog prvog i drugog ciklusa studija Univerziteta u Tuzli koji u tekućoj akademskoj godini položi sve ispite utvrđene Nastavnim planom i ostvari prosječnu ocjenu 9,00 i više, pri upisu u narednu godinu studija plaća participaciju u troškovima studija u visini od 50 % utvrđenog iznosa participacije.

Član 2.

Redovni student prvog i integriranog prvog i drugog ciklusa studija koji se sam finansira, a prvi puta upisuje prvu studijsku godinu u akademskoj 2022/23. godini plaća školarinu u iznosima kako slijedi:

- 900,00 KM po semestru na Akademiji dramskih umjetnosti, Medicinskom fakultetu i Odsjeku zdravstvenih studija Medicinskog fakulteta,
- 750,00 KM po semestru na Fakultetu elektrotehnike (Elektrotehnika i računarstvo), Farmaceutskom fakultetu, Mašinskom fakultetu, Prirodno-matematičkom fakultetu, Rudarsko-geološko-građevinskom fakultetu i Tehnološkom fakultetu,
- 600,00 KM po semestru na Edukacijsko-rehabilitacijskom fakultetu, Ekonomskom fakultetu, Fakultetu za tjelesni odgoj i sport, Fakultetu elektrotehnike (Tehnički odgoj i informatika), Filozofskom fakultetu i Pravnom fakultetu.

Član 3.

Redovni student koji je stekao status studenta prve godine u prethodnim akademskim godinama, a koji se sam finansira, pri upisu naredne godine studija plaća školarinu u skladu sa zakonom, Statutom i ovom Odlukom.

Član 4.

Student prvog ciklusa studija koji se sam finansira, a prvi puta upisuje studijsku godinu na studijske programe fakulteta Univerziteta na kojima se nastava organizuje kao vanredni studij (studij uz rad) plaća školarinu u iznosu od 750,00 KM po semestru počev od akademske 2022/23. godine.

Studenti strani državljani i lica bez državljanstva

Član 5.

Strani državljanin i lica bez državljanstva koji se upiše u statusu redovnog studenta, participirat će u troškovima studija u iznosu kako slijedi:

	Grupacija nauke	I god.	II god.	III god.	IV god.	V god.	VI god.
1.	Prirodne nauke	2.070	2.070	2.070	2.070		
2.	Tehničke nauke	2.070	2.070	2.070	2.070		
3.	Biomedicina i zdravstvo	2.484	2.484	2.484	2.484	2.484	2.484
4.	Biotehničke nauke	2.070	2.070	2.070	2.070		
5.	Društvene nauke	1.656	1.656	1.656	1.656		
6.	Humanističke nauke	1.656	1.656	1.656	1.656		
6.1	Humanističke nauke- Akademija dramskih umjetnosti, odsjek Gluma i Produkcija	2.484	2.484	2.484	2.484		

Strani državljanin i lica bez državljanstva koji se upiše u statusu studenta koji se sam finansira ili u statusu varednog studenta participirat će u troškovima studija u iznosu kako slijedi:

	Grupacija nauke	I god.	II god.	III god.	IV god.	V god.	VI god.
1.	Prirodne nauke	2.484	2.484	2.484	2.484		
2.	Tehničke nauke	2.484	2.484	2.484	2.484		
3.	Biomedicina i zdravstvo	2.980	2.980	2.980	2.980	2.980	2.980
4.	Biotehničke nauke	2.484	2.484	2.484	2.484		
5.	Društvene nauke	1.987	1.987	1.987	1.987		
6.	Humanističke nauke	1.987	1.987	1.987	1.987		
6.1	Humanističke nauke- Akademija dramskih umjetnosti, odsjek Gluma i Produkcija	2.980	2.980	2.980	2.980		

Student strani državljanin i lica bez državljanstva utvrđeni iznos školarine plaća pri prvom upisu u svaku studijsku godinu i to u dvije rate, prilikom upisa u svaki semestar.

Član 6.

Student drugog ciklusa studija (državljanin BiH, strani državljanin i lica bez državljanstva), za studijske programe u trajanju od jedne akademske godine plaćaju školarinu u visini od 2.400,00 KM, a studenti studijskih programa u trajanju od dvije akademske godine, plaćaju školarinu u iznosu od 2.400,00 KM po studijskoj godini.

Izuzetno od odredbe stava (1) ovog člana, tri prvorangirana kandidata na konačnoj rang listi za upis na studijski program „Ekomonitoring i bioindikacija voda“ Prirodno-matematičkog fakulteta proizašao iz Erasmus + Project No ECOBIAS _609967-EPP-1-2019-1-RS-EPPKA2-CBHE-JP Development of master curricula in ecological monitoring and aquatic bioassessment for Western Balkans HEIs, u akademskoj 2022/23. godini, ne plaćaju školarinu.

Član 7.

Student trećeg ciklusa studija (državljanin BiH, strani državljanin i lica bez državljanstva), upisan u akademskoj 2022/23. godini, plaća školarinu u iznosima kako slijedi:

- 9.000,00 KM na Fakultetu za tjelesni odgoj i sport,
- 10.000,00 KM na Filozofskom fakultetu,
- 12.000,00 KM na Edukacijsko-rehabilitacijskom fakultetu, Ekonomskom fakultetu, Farmaceutskom fakultetu, Medicinskom fakultetu, Pravnom fakultetu, Prirodno-

matematičkom fakultetu, Rudarsko-geološko-građevinskom fakultetu, Tehnološkom fakultetu i zajedničkom doktorskom studiju Prirodno-matematičkog i Tehnološkog fakulteta,

- 14.000,00 KM na Fakultetu elektrotehnike i Mašinskom fakultetu.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, a u skladu sa odlukom nadležnog organa.

Član 8.

Student prvog i integriranog prvog i drugog ciklusa studija Univerziteta (državljanin BiH, strani državljanin i lice bez državljanstva), kao i student u statusu apsoluta prilikom upisa u akademsku godinu plaća premiju osiguranja u iznosu od 4,00 (četiri) KM za akademsku godinu.

Student iz stava (1) ovog člana, plaća i naknadu za elektronsku prijavu ispita u iznosu od 7,50 KM za akademsku godinu.

Redovni student prvog i integriranog prvog i drugog ciklusa studija državljanin BiH, koji se finansira iz Budžeta TK i redovni student koji se sam finansira, a pripada kategoriji lica iz člana 100. Zakona o socijalnoj zaštiti, zaštiti civilnih žrtava rata i zaštiti porodice s djecom- prečišćeni tekst ("Službene novine TK" broj: 5/12, 7/14, 11/15, 13/16, 4/18, 12/20 i 8/22), u akademskoj 2022/23. godini plaća 50% iznosa participacije, odnosno 50% iznosa školarine utvrđenih ovom Odlukom.

Član 9.

Sredstva koja Univerzitet ostvari primjenom ove Odluke uplaćivat će se na depozitni račun javnih prihoda Budžeta Kantona.

Član 10.

Ova Odluka će se primjenjivati počev od akademske 2022/23. godine.

**PREDSJEDNIK
UPRAVNOG ODBORA**

Dr.sci. Semir Ahmetbegović, van.prof. s.r.

OBRAZLOŽENJE

Članovima 1., 2., 3. i 4. prijedloga Odluke utvrđen je iznos participacije i školarine u troškovima studija u iznosima kao i u prethodnim akademskim godinama.

Članom 5. prijedloga Odluke utvrđen je iznos školarine za studente strane državljanke i lica bez državljanstva u iznosima koje je utvrdila Vlada Tuzlanskog kantona Odlukom broj: 02/1-05-12345-1/19 od 18.06.2019. godine.

Članom 6. stav (1) prijedloga Odluke utvrđen je iznos školarine za studente drugog ciklusa studija koji se organizuje kao samofinansirajući studij, a iznos školarine je kao i u prethodnim akademskim godinama.

Članom 6. stav (2) prijedloga Odluke utvrđeno je da se po navedenom ERASMUS+ projektu, koji realizira Prirodno-matematički fakultet Univerziteta u Tuzli u akademskoj 2022/23. godini, 3 (tri) studenta, prvorangirana, oslobađaju plaćanja školarine u troškovima studija, a koji su upisani na studijskom programu „Ekomonitoring i bioindikacija voda“ u ekvivalentu od 7.200,00 KM. Utvrđeni iznos školarine pada na teret Projekta.

Članom 7. prijedloga Odluke utvrđuje se prijedlog iznosa školarine na trećem ciklusu studija, u iznosima kao i u prethodnim akademskim godinama.

Članom 8. stav (2) prijedloga Odluke utvrđuje se, po prvi puta, obaveza plaćanja naknade za elektronsku prijavu ispita, a iz kojih sredstava će Univerzitet pokriti rashode štampanja ispitnih prijava iz informacionog sistema.

Prelaskom na ovaj model prijavljivanja ispita (uključujući i printanje istih), studenti neće kupovati ispitne prijave u Skriptarnici Univerziteta.

Iznos naknade, na godišnjem nivou utvrđen je na bazi prosječnog broja nastavnih predmeta u tekućoj akademskoj godini i predmeta prenesenih iz prethodnih akademskih godina.

Iz prihoda ostvarenog po ovom osnovu, pokriti će se rashodi nabavke papira, tonera te opreme za printanje ispitnih prijava.

Prijedlog Odluke primjenjivat će se od akademske 2022/23. godine.

Predsjednik

Upravnog odbora:

Dr.sci. Semir Ahmetbegović, vanr.prof.